

Naalagaaffimmi tjenestemandit il.il. Kalaallit Nunaanniittut suliunnaarnersiuteqartarnerat pillugu inatsisimmik nalunaarut

Matumuuna nalunaarutigineqarpoq naalagaaffimmi tjenestemandit il.il. Kalaallit Nunaanniittut suliunnaartarnerat pillugu inatsit, tak. inatsisikkut nalunaarut nr. 661 aggustip 12-ianni. 1993, inatsimmi nr. 346-mi juunip 2-anit, 1999-imeersumi § 6-imut, inatsimmi nr. 1426-mi decembarip 22-annit, 2004-meersumi § 2-mut, inatsimmi nr. 527-mi juunip 24-anni, 2005-imeersumi § 5-imut, inatsimmi nr. 249-mi marsip 31-anni, 2009-meersumi § 2-mut aamma inatsimmi nr. 1371-imi decembarip 28-anni, 2011-meersumi § 2-mut allannguutit ilassutaasut.

Kapitali 1

Nammineq suliunnaarnersiutit

§ 1. Tjenestemandi Kalaallit Nunaanniittoq pisinnaatitaavoq nammineq suliunnaarnersiuteqarnissamut, atorfimmi ukiut ilivitsut qulit atorfeqareernermini §§ 3-mi, 3 a-mi aamma 3 b-mi malittarisassat naapertorlugit suliunnarnissamut ukioqqortussuseqalersimaguni, ukioqqortussutsini tunngavigalugu suliunnaarsinneqarsimaguni, peqqissutsimik tunngaveqartumik sulisinnaajunnaarsimaguni imaluunniit allamik nammineq naatsorsuutigisimanngisaanik tunngaveqartumik. Tjenestemanditut misiligutaasumik atorfinikkallartoq, ataavartumik atorfeqalernissamut misiligaaffiup naanerani naleqqutinngitsoq naliliiffigineqarsimasoq tamannalu tunngavigalugu suliunnaarsinneqartussaq pisinnaatitaangilaq nammineq suliunnaarnersiuteqarnissamut, pineqartoq suliunnaarnersiutissanik § 9 naapertorlugu pissarsisimanngikkuni.

Imm. 2. Atorfeqarsimanerulli sivisussusia naatsorsuutiginagu tjenestemandi pisinnaatitaavoq §§ 6-imiit 7-imut naapertorlugit nammineq suliunnaarnersiuteqassalluni, suliunnaarneq sulinermut sapileriatornermik § 6-imi taaneqartumik peqquteqartumik pisimappat imaluunniit sulinerup nalaani ajoqusernermik peqquteqarsimappat.

Imm. 3. Tjenestemandip tjenestemanditut atorfininngikkallarnernini suliamut atasumik suliunnaarnersiuteqarsimappat, §§ 3-mi, 3 a-mi aamma 3 b-mi malittarisassat naapertorlugit ukioqqortussutsikkut suliunnaarnersiutinut naatsorsuunneqarsinnaanngitsunik, aningaasaqarnermut ministerip Lønningrådimit oqaaseqaammik pereernikkut aalajangersinnaavaa, suliat taama ittut atorfeqarnermut imm. 1 naapertorlugu ukiut qulit angullugit atatinneqarsinnaasoq.

§ 2. Tjenestemandi pisinnaatitaavoq ukioqqortussuseq peqqutigalugu suliunnaarnissamut 60-inik ukioqalerfimmi qaammatip naaneraniit, imaluunniit ikinnerusunik ukioqarluni inatsit alla naapertorlugu taamatut pisinnaanermut aalajangersarneqarsimappat.

§ 3. Tjenestemandip suliunnaarnersiaqalersinnaanermut ukioqqortussusia tassaavoq ukiut tjenestemandisut suliffigisimasaasa amerlassusiat:

- 1) naalagaaffimmi tjenestemandiusutut Kalaallit Nunnaanni, imaluunniit
- 2) naalagaaffimmi tjenestemandit Kalaallit Nunaanniittut pillugit inatsimmi § 32 naapertorlugu aningaasanik tapisiaqarnissamut pisinnaatitaasimasutut, imaluunniit
- 3) Namminersornerullutik Oqartussani tjenestemandiusimasutut, naalagaaffiup § 24 a naapertorlugu suliunnaarnersiutit naatsorsorpagit akilerlugillu, imaluunniit
- 4) Kalaallit Nunaanni kommunimi tjenestemandiusimaguni, naalagaaffiup § 24 a naapertorlugu suliunnaarnersiutit naatsorsorpagit akilerlugillu.

Imm. 2. Piffissaq tjenestemandip naalagaaffimmi tjenestemandit Kalaallit Nunaata avataani imaluunniit atuarfeqarfimmi, ilagiinni, folketingimi, Københavniip kommuneqarfiata atuarfeqarfiani, Savalimmiuni Namminersornerullutik Oqartussani 1988-imi januaarip aallaqqaataa sioqqullugu imaluunniit Kalaallit Nunaata landsrådia imaluunniit Namminersornerullutik Oqartussat 1980 januaarip aallaqqaataa sioqqullugu akissarsianik pissarsiaqarnissamut pisinnaatitaasimappat tjenestemandit pillugit inatsimmi § 32 naapertorlugu suliunnaarnissamut ukioqqortussutsimut naatsorsuunneqassapput.

Imm. 3. Aningaasaqarnermut ministerip Lønningstrådimit oqaaseqaammik pereernikkut aalajangersinnaavaa suliunnaarnissamut ukioqqortussutsip piffissamut tjenestemandip tjenestemandinut assingusumik atugaqarluni atorfimmi atorfeqarsimasup, tassanilu inatsisip matuma pisinnaatitsissutaasa assinginik pissaqartitsisumik suliunnaarnersiuteqarsimasup piffissap tamatuma ilanngullugu naatsorsuunnissaa.

Imm. 4. Piffissami tjenestemandip annikillisamik suliffeqarsimanerani annertoqataanik suliunnaarnissamut ukioqqortussuseq annikillineqassaaq.

Imm. 5. Aningaasaqarnermut ministerip Lønningstrådimit oqaaseqaammik pereernikkut aalajangersinnaavaa piffissat killilikkat tjenestemandip aningaasarsiaqarani sulinnigffigisimasai suliunnaarnissamut ukioqqortussutsimut ilaatinneqassanersut.

Imm. 6. Tjenestemandi immikkorluinnaq ittumik piginnaanilittut atorfeqartitaagaangat ministerip Lønningstrådimit oqaaseqaammik pereernikkut aalajangersinnaavaa suliunnaarnissamut ukioqqortussutsimi piffissaq ukiut qulit angullugit sivitsorneqassasoq. Ukioqqortussuseq pequtigalugu suliunnaarnermi suliunnaarnersiutinillu sivitsukkanik imaluunniit suliunnaarnermi ajunngitsorsiassanik Europami Ataatsimooqatigiiffinnut §§ 20-miit 22-mut suliunnaarnermi ukioqqortussutsimik annertusisanik piffissap atorfeqarfigisimasap sivosoqataanik piumasaqarnermik naatsorsuunneqassaaq.

§ 3 a. Aningaasaqarnermut ministerip Lønningstrådimit oqaaseqaammik pereernikkut aalajangersinnaavaa suliunnaarnissamut ukioqqortussutsimut naatsorsuunneqassasoq tjenestemandip piffissami § 3, imm. 1-imi atorfeqarfinni atorfeqarfigisimasaa, imaluunniit piffissaq tjenestemandip § 3, imm. 2-mi atorfeqarfinni kommunimiluunniit, nunap immikkoortuaniluunniit. ingerlatseqatigiiffimmiluunniit piginnaanilikkami imaluunniit naalagaaffiup, kommunip imaluunniit

naalagaaffiup ilaata sinnerani tamarmi nunap immikkoortuani qularnaveeqqusikkap suliffiutaani.

Imm. 2. Suliunnaarnissamut ukioqqortussutsip imm. 1 naapertorlugu sivitsornissaanut piumasagaataavoq tjenestemandip atorfeqarnermi nalaani suliunnaarnersiuteqatigiinnut ilaasortaasimanera tamatumani nammineq suliffillu pineqartoq tunniussaqartarlutik, aamma naalagaaffiup karsianut suliunnaarnersiutissanik nuutsitsisoqartarsimanissaa taassumunga suliunnaarnersiutinit maannamut atuuttunit pissarsiassaaneersunik.

§ 3 b. Aningaasaqarnermut ministerip Lønningrådimit oqaaseqaammik pereernikkut aalajangersinnaavaa suliunnaarnissamut ukioqqortussutsimut naatsorsuunneqassasoq piffissaq tjenestemandip Europami Ataatsimooqatigiiffiup ataani tjenestemanditut atorfeqarfia, piumasaralugu Ataatsimooqatigiiffimmit naalagaaffiup karsianut pineqartup Ataatsimooqatigiiffimmit suliunnaarnersiuteqarnissamut pisinnaatitaaffiisa naatsorsuuserinikkut nalinginik, imalunniit pineqartumit suliunnaarnissami pissarsiassanik erniaat ilagitillugit naalagaaffiup karsianut akilersukkat, taassuma Ataatsimooqatigiinnermi atorfimmit tunuarnermini akilerneqarsimasut.

Imm. 2. Europami Ataatsimooqatigiiffinni atorfeqarallarsimanerme suliunnaarnissamut ukioqqortussutsip naatsorsuunneqarnissaanik qinnuteqaat tunniunneqassaaq kingusinnerpaamik ukioq ataaseq tjenestemanditut atorfeqareersimalernerup kingornagut. Taamaattorli tjenestemanditut atorfinitsitaaneq inatsisip matuma atuutilermera sioqqullugu pisimappat, naatsorsuuteqaateqarnissamik qinnuteqaat ullup tamatuma kingorna ukioq ataaseq qaangiutsinnagu tunniunneqarsinnaavoq.

§ 4. Tjenestemandip suliunnaarnersiutitalimmik akissarsiatigut isertitai tassaapput akissarsiat akissaatit qaffasissusiattut angusimasap killiffianiittut. 1991-imi aprilip aallaqqaataani kingusinnerusukkullunniit suliunnaarnermi suliunnaarnersiutissanut ilanngullugit naatsorsorneqassapput tapisiarisimasat tamanut atuuttut. Aningaasaqarnermut ministerip Lønningrådimit oqaaseqaammik pereernikkut aalajangersassavaa tapisiat tamanut atuuttut suliunnaarnersiutinut naatsorsuunneqarnissaata pingaassusilernissaat. Tjenestemandit qaffasissusilersugaanngitsunik aningaasarsiaqartitaasut innersuunneqassapput qaffasissutsinut suliunnaarnersiutinut ilanngunneqarsinnaasunut malittarisassat naalagaaffimmi tjenestemandit Kalaallit Nunaanniittut pillugit inatsimmi §§ 41-miit 43-mut naapertorlugit.

Imm. 2. Aningaasaqarnermut ministerip Lønningrådimit oqaaseqaammik pereernikkut aalajangersinnaavaa tjenestemandit qinnuteqarnerit tungavigalugit tjenestemanditut atorfimmut suliunnaarnersiutitigut appasinnerusumut nuuttut suliunnaarnersiutitik maannamut qaffasinnerusumik suliunnaarnersiutitigut qaffasinnerusutigut naatsorsukkat piginnassallugit pisinnaatitaanissaat.

Imm. 3. Aningaasaqarnermut ministerip Lønningrådimit oqaaseqaammik pereernikkut tjenestemandimut, tjenestemanditut atorfimmut suliunnaarnersiutitigut qaffasinnerusumut atorfimmi aalajangersimasumik atorfinitsitaanani atorfinitsitaagallarsimasumut, suliunnaarnersiutitigut akissarsiatigut tunngavissat imm. 1-imi pineqartut qaffassinnaavai.

Imm. 4. Aningaasaqanermut ministerip Lønningstrådimit oqaaseqaammik pereernikkut aalajangersinnaavaa, pisuni immikkut ittuni tjenestemandit ukioqqortussuseq imaluunniit tungavissat naatsorsuutigiuminaatsut tungavigalugit suliunnaarsimasut, piffissami killilikkami suliunnaarnersiutinut tapiissutaasunik pissarsialernissaat.

§ 5. Nammineq suliunnaarnersiutisiassat tassaapput ukioqqortussutsimi suliunnaarfiusumi ukiut tamaasa tunngaviusumik aningaasat 66 kr. aamma aningaasat akissarsianit suliunnaarnersiutisiassartalinnit procentit makku:

Aningaasat 24.000 kr. angullugit, 1,5 pct. aamma

aningaasat 24.001 kr. aallarnerfigalugit, 1,2 pct.

Suliunnaarnersiutit ukiuni 37-ni ukioqqortussuseq tungavigalugu suliunnaarnersiutit nalingat qaangersimasinnaanngilaat.

§ 6. Tjenestemandi 60-it ataallugit ukiulik, sulisinnaassusialu tamakkiisumik inuussutissarsiorsinnaanerata tamakkiisup pingajorarterutaanuinaq taannaluunniit ataallugu apparsimasup, tamanna tungavigalugu suliunnaarnermini suliunnaarnersiuteqarnissamut pisinnaatitaaffeqarpoq ukioqqortussuseq tunngavigalugu suliunnaarnersiuteqarnissamut suliuarsimagaluaruni qaammatip 65-inik ukioqalerfissami naaneraniit angusimasinnaasaminik.

Imm. 2. Imm. 1 atuutilissanngilaq tjenestemandi atorfeqalernerminiit ukiut killilikkat qulit iluanni nakorsamit nalunaarneqartumik nappaateqarnini pillugu suliunnaarsitaasimappat. Aamma tamanna atuuppoq suliunnaarsitaaneq peqquteqarsimappat nappaatip kingunerluutaa pissutigalugu nakorsamik nalunaarneqartumik naviagineqarsimappat.

Imm. 3. Aningaasaqanermut ministerip, pissutsit immikkut ittut pisariaqartutut nalunaarpassuk, aalajangersinnaavaa imm. 1-ip atuutilernissaa, suliunnaarneq 60-inik ukioqalerneq aallarnerfigalugu pippat.

§ 7. Atorfimmik naammassinnissinnaannginneq, pissuteqartumik suliat suliarinerani tjenestemandi ajoqusersimasoq sulisinnaajunnaarnermut taarsiivigitinnissamik sulinermi ajoqusernermut sillimmasiisarneq pillugu Kalaallit Nunaanni peqqussut naapertorlugu tunngavissiiisumik, tungavigalugu suliunnaartoqarpat, taanna pisinnaavoq nammineq suliunnaarnersiutisiassanik, ukioqqortussuseq tunngavigalugu suliunnaarnersiutinut ukiunik 37-nik tunngavilimmik atuuttumik, pissarsissalluni.

Imm. 2. Tjenestemandi annertuumik mianersuaalliornikkut imaluunniit aalakoornikkut nammineq ajoqusiisimappat imaluunniit ajoqusernermut pingaarutilimmik pisooqataasimappat, aningaasaqanermut ministerip aalajangersinnaavaa suliunnaarnersiutit annertusisat imm. 1 malillugu peerneqassasut imalunnit annikillisinneqassasut.

§ 8. Tjenestemandi suliunnaarsimasoq peqqissusermik tungaveqartumik sulisinnaajunnaarsimasoq, sulisinnaaqqileruni suli 60-inik ukioqalersimannikkuni, pissusaaffeqarpoq atorfigisimasaminut imaluunniit atorfimmuut naleqquttumut allamut,

suliunnaanngikkallarnerni atorffissatut pisussaaffigisimasaminut atorfinitsitaaqqinnissaminik.

Imm.2. Tjenestemandi peqqissuseq peqqutigalugu soraarnerussutisialik § 33-mi pineqartumi peqqissuseq pillugu nalunaarnissamik kaammattorneqareeraluarluni taamaaliunngippat, imaluunniit imm. 1 malillugu pisussaaffini naammassinngippagu, suliunnaarnersiutisiassai peerneqassapput, aamma §§ 20-miit 22-mut aalajangersakkat atuutilissapput. Ukioqqortussuseq tunngavigalugu suliunnaarnersiummik naatsorsuinermi naatsorsuutigineqassaaq piffissaq suliunnaarnersiutisiffigisimasaa.

§ 9. Suliunnaarnersiutisiassat peerneqassapput tjenestemandi suliunnaarnersiutisialik nutaamik atorfinippat, malittarisassani § 3 naapertorlugu ukioqqortussuseq tungavigalugu suliunnaarnersiutit naatsorsorneqarneranni ilanngunneqassapput. Kingusinnerusukkut suliunnaarnersiutisisinnaanermik tunngaveqartumik suliunnaarnermi taanna pisinnaavoq annikinnerpaamik suliunnaarnersiutit piikkat annertoqataannik suliunnaarnersiutisissalluni.

Kapitali 2

Aappaasutut suliunnaarnersiutisiassat

§ 10. Tjenestemandimut aappaasoq toqukkut qimataasoq suliunnaarnissamut ukioqqortussutsimik ikinnerpaanik ukiunik pingasunik naammassinnissimasup, imaluunniit tjenestemandi suliunnaarsimasoq aappaasutut suliunnaarnersiutisissaaq, apparilerneq aalajangersarneqarsimappat,

- 1) tjenestemandi toqukkut qimaguttoq 65-inik ukioqalersinnagu, aamma
- 2) tjenestemandi toqukkut qimaguttoq nammineq kapitali 1 malillugu suliunnaarnersiutisiaqarnissaminut pisinnaatitaappat, aamma
- 3) toqukkut qimagunneq ikinnerpaamik qaammatinik pingasunik sioqqullugu

Imm. 2. Imm.1, nr. 3 atuutilissanngilaq toqukkut qimagunneq ajutoornermik peqquteqarsimappat imaluunniit apparilernerup aalajangersarnerata kingorna tunillannartumik nappaateqaleriataarnermik peqquteqarsimappat.

Imm. 3. Aningaasaqarnermut ministerip immikkut pisoqartillugu Lønningrådimit oqaaseqaammik pereernikkut aalajangersinnaavaa tjenestemandimut aappaasoq aappaasutut suliunnaarnersiutisisinnaasoq imm. 1, nr. 1-imiit 3-mut piumasaaqatit aporfiginagit, apparit siornatigut katinnikkut aappareereersimappata.

Imm. 4. Tjenestemandimut, sulinermini ajunaartumut imaluunniit sulilluni ajutoornerup kinguneranik toqusimasumut aappaasoq aapparmi sumi sulisimanera apeqqutaatinnagu aappaasutut suliunnaarnersiutisisinnaavoq.

Imm. 5. Avinnerup kingorna tjenestemandip avissimasaa suliunnaarnersiutisissutinik pisinnaatitaavoq aappaasutut averusernikkut avinnikkuluunniit qimagaasut

suliunnaarnersiuteqarsinnaanerata attatiinnarnissaa pillugu inatsit kingornatigut allanguutai ilanngullugit malittarisassat naapertorlugit.

§ 11. Aappaasutut suliunnaarnersiutit annertussuseqarput ukiut suliunnaarnersiutisissutit tamaasa aningaasat 40 kr.-nik aamma aningaasat § 5 naapertorlugu nammineq suliunnaarnersiutit 2/3-iisa annertoqataannik.

Imm. 2. Aapparisaq sulilluni ajutoornerup kinguneranik toqusimasumut aappaasoq aapparmi toqukkut qimaguttup ukiunut suliunnaarnersiutaasut 37-sut annertutigisumik pissarsissaaq. Taamattaq atuuppoq aappaasoq toqukkut qimaguttoq suliunnaarsimappat § 7-imi malittarisassat naapertorlugit pisinnaatitaalluni.

Imm. 3. Aapparisaq toqukkut qimagussimasup ukioqqortussusia ilanngaattit pereerlugit ukiunut aappariinnerup sivisussusianik qaangiisimappat, aappaasup toqukkut qimagaasup ukioqqortussusia siulliulluni toqusup toquneranut il.il. ukiunit 10-nit sivisuneruppat, suliunnaarnersiutisiassat apparneqartassapput imm. 1-imiit 2-mut naapertorlugit 2 pct.-imik ukiut tamaasa, assigiinngissutsip ukiut qulit qaangersimappagit.

§ 12. Tjenestemandimut toqukkut qimaguttumut aappaasoq suliffigisimasat arlariit pequtugalugit amerlanerusunik aappaasutut suliunnaarnerussutisianik pisinnaatitaappat taakkulu § 3 malillugu ukiunut suliunnaarnersiutaasunut naatsorsuutininut ilanngunneqarsinnaasut aappaasutut suliunnaarnersiutini annerpaaq kisimi tunniunneqarsinnaavoq.

Kapitali 3

Qitornaasut suliunnaarnersiutinit pissarsiassaasut il.il.

§ 13. Tjenestemandip suliunnaarnerani qitornai suliunnaarnersiutininut tapinik pissarsisinnaatitaapput.

Imm. 2. Tjenestemandip imaluunniit tjenestemandip soraarnerussutisiaqalernikup toqukkut qimagunneratigut qitornat imm. 1-imi taaneqartut qitornaasut suliunnaarnersiutininik pissarsiassaannik pisinnaatitaapput.

Imm. 3. Imm. 1 aamma imm. 2 naapertorlugit pisinnaatitaasunut ilaapput qitornarsiat ilaqutariittut pilersukkatut ilagitinneqalersimasut.

Imm. 4. Qitornanut tamanut pissarsiassat tunniunneqarsinnaapput taamaallat imm. 1-imiit 3-mut malittarisassat naapertorlugit. Imm. 1-imi 2-milu piumasaaqatit tamarmik naammasineqarsimappata imm. 2 naapertorlugu tunniussineqassaaq.

§ 14. Qitornat suliunnaarnersiutininik tapisiassat aamma qitornaasut suliunnaarnersiutininik pissarsiassaasut qitornanut ataatsimut ukiumut 1.600 kr.-upput. Qitornaasulli suliunnaarnersiutininik pissarsiassaasut qitornanut angajoqqaaverussimasunoortut qitornanut ataatsimut ukiumut 3.200 kr.-upput.

Imm. 2. Nammineq suliunnaarnersiutitut atasumik aappaasutut suliunnaarnersiutitut tunngasumik qitornaasut suliunnaarnersiutitut tapit aamma qitornaasut suliunnaarnersiutitnik pissarsiassaasa suliunnaarnersiatut akissarsiatigut isertitat qaangersimassanngilaat. Tamannattaaq atuuppoq tjenestemandip qitornat qimataasa ataatsimut qitornaasut suliunnaarnersiutitnik pissarsiassaannut.

§ 15. § 13 naapertorlugu qitornat suliunnaarnersiutitnik pissarsiassaannik aamma qitornat suliunnaarnersiutititut tapitnik pissarsisinnaatitaaneq atuuppoq qitornaasup 21-nik ukioqalernerata tungaanut.

Kapitali 3 a

Ukiuni killilinni atorfinitsitanut suliunnaarnersiutit

§ 15 a. Ukiuni killilinni tjenestemandinut suliunnaarnersiutit, tak. § 33 a, imm. 1, naalagaaffimi tjenestemandit Kalaallit Nunaanniittut pillugit inatsimmi aalajangersarneqassapput aallaavigalugu pineqartup ataavartumik atorfimmini kingullermi suliunnaangikkallarnermi suliunnaarnersiatigut inissisimasimanagera.

Imm. 2. Suliunnaarnersiutit naatsorsornerini ilanngunneqassapput ukiuni suliunnaarnersiutisissutini ukiuni killilinni atorfeqarneq.

Imm. 3. Suliunnaarnersiutit imm. 1 aamma imm. 2 naapertorlugit aalajangersarneqartunut ilagitinneqassapput tapit, ukiuni killilinni atorfeqarfinni tamani aalajangerneqartussa q ukiuni killilinni atorfeqartitaanermi suliunnaarnermi suliunnaarnersiutit qaffasinnerpaat 2,7 pct-iattut. Suliunnaarnersiutitilli tamakkiisut qaangersimassanngilaat suliunnaarnersiutit ukiuni killilinni atorfinitsitaanermi suliunnaarnersiutitigut pissarsiassaasut.

Imm. 4. Suliunnaarnersiutit imm. 3 malillugu tapit ilagitinneqassapput aappaasutut suliunnaarnersiutisiasaasinnasut naatsorsornerini.

§ 15 b. Piffissaq atorfeqartitaaffik naatsorsuutigina, tak. § 1, tjenestemandi naalagaaffimmi tjenestemandit Kalaallit Nunaanniittut pillugit inatsimmi § 33 a, imm. 1-imi taaneqartoq, siornatigut piffissami killilimmi atorfeqartitaasimasoq nammineq suliunnaarnersiutisiasani tigusinnaavai qaammatip 60-inik ukioqalerfimmi aallaqqaataani, imaassimangippat pineqartoq piffissami killilimmi atorfimminit tunuarsimasoq. Tamannali atuutinngilaq inunnut § 15 c, imm. 2-mi pineqartunut.

Imm. 2. Aningaasaqarnermut ministerip akuerisinnaavaa nammineq suliunnaarnersiutisiasat 60-inik ukioqalinnginnermi tiguneqarnissaat, taamatut pisinnaatitaasoq peqqissutsimut tunngasumik sulisinnaajunnaarsimappat, imaluunniit pissutsit allat tamanna pisariaqartilersimappassuk.

§ 15 c. Inatsimmi matumani malittarisassat atuutinngillat inunnut naalagaaffimmi tjenestemandit Kalaallit Nunaanniittut pillugit inatsimmi § 33 a, imm. 2-mi ilagitinneqartunut. Aningaasaqarnermut ministeri Lønningsrådimit oqaaseqaammik pereernikkut aalajangersaasinnavaoq atorfeqarnermut pineqartumut suliunnaarnersiutitigut aqqiineramik allamik.

Imm. 2. Aningaasaqarnermut ministerip aalajangersinnaavaa inuk naalagaaffimmi tjenestemandit Kalaallit Nunaanniittut pillugit inatsimmi § 33 a, imm. 1-imi pineqartoq imm. 1-imut ilaatinneqarsinnaasoq pisut aalajangersimasut immikkut ittut tamanna pisariaqalertilertassuk.

Kapitali 4

Kingornussarsiatut aningaasarsiat

§ 16. Tjenestemandimut toqkkut qimagunnermini aningaasarsiaqartumut imaluunniit suliunnaarsimasumut aappaasoq pisinnaatitaavoq kingornussarsiatut aningaasarsissalluni, imaassimangippat aappariinneq avinnikkut atorunnaarsimasoq. Pineqartoq aapparisamik qimataqangippat, kisianni qitornaqarluni suliunnaarnersiutinik pissarsisinnaasunik, taakku pisinnaatitaapput kingornussarsiatut aningaasarsianik pissarsissallutik.

Imm. 2. Inummut toqkkut qimagunnermini aappaasutut suliunnaarnersiutisissalluni inatsit una malillugu pisinnaatitaasumut, pineqartup qitornai aapparisamit siulliulluni toqkkut qimaguttumit qitornatut suliunnaarnersiutisianik pissarsisinnaapput.

Imm. 3. Tjenestemandi toqkkut qimagunnermini aappaqangippat imaluunniit suliunnaarnersiutisinnissamut pisinnaatitaasunik qitornaqarani pigisai kingornussarsiatut aningaasarsiatut pineqarsinnaapput.

§ 17. Kingornussarsiatut aningaasarsiat annertussuseqarput qaammatikkuutaartumik aningaasat akissarsiatut aningaasarsiatut imaluunniit suliunnaarnersiutut kingullertut.

§ 18. Kingornussarsiatut aningaasarsiat atasinnaapput piffissami toqkkut qimagunnermiit qaammatini pingasuni, taamaakkaluartoq tak. imm. 2 aamma 3.

Imm. 2. Tjenestemandi sulinermini ajoqusernemi kinguneraniq pissuteqartumik toqusimappat kingornussarsiatut aningaasarsianik § 16, imm. 1 malillugu pisinnaaneq sivilisussuseqassaaq piffissami qaammatit aqqaneq-marluk iluanni.

Imm. 3. Tjenestemandimut, aapparisap § 10 naapertorlugu aappaasutut suliunnaarnersiuteqalersinnaalinninnerani toqkkut qimagussimasumut aappaasup kingornussarsiatut aningaasarsianik pisinnaanera qaammatinik 9-nik sivilisussuseqarpoq.

§ 19. Aappaasoq kingornussarsianik aningaasarsianik pisinnaasoq, piffissap kingornussarsianik aningaasarsisinnaanerup naannginnerani toqkkut qimaguppat, kingornussarsiatut aningaasarsiat ilaat toqkkut qimagunnerani aningaasarsissutigineqarsimangitsut siulliulluni toqusup qitornaanut suliunnaarnersiutinik pissarsisinnaatitaasunut tunniunneqassapput. Kingornussarsiatut aningaasarsiat qitornaasunut tunniunneqartarnerini, taakku § 16, imm. 2 naapertorlugu kingornussarsiatut aningaasarsianik pisinnaatitaanngillat.

Imm. 2. Aappaasup sivilisunerusumik inuusup kingornussarsiatut aningaasarsianik pisinnaanera atuutsillugu aappaasutut suliunnaarnersiutinik imaluunniit sivilisunerusumik inuusup qitornaanut aappaasup qitornaanut suliunnaarnersiutisinnissamut tunniussisoqartanngilaq.

Imm. 3. Qitornanut § 16, imm. 1 naapertorlugu kingornussarsiatut aningaasarsisinnaatitaasunut qitornaasunut suliunnaarnersiutit tunniunneqartanngillat, kingornussarsiatut aningaasarsiat suli atuutsillugit. Kingornussarsiatut aningaasarsiaalersussat qitornaasutut suliunnaarnersiutinit annertuneruppata, qitornaasutut suliunnaarnersiutit kingornussarsiatut aningaasarsianut taarsiutissapput.

Kapitali 5

Suliunnaarnersiutit siuartitat

§ 20. Tjenestemandi § 1 naapertorlugu suliunnaarnersiutisisinnaanani aamma atorfirmut allamut § 3 naapertorlugu suliunnaarnersiffigineqarsinnaasumut nuunnani suliunnaartoq pisinnaatitaavoq suliunnaarnersiutitik siuartitanik pisinnaalluni, tak. imm. 5.

Imm. 2. Suliunnaarnersiutitik siuartitanik pisinnaalerneq atorunnaassaaq pineqartoq atorfirmi § 3 naapertorlugu ukiut suliunnaarnersiutisiutit naatsorsuunneqarsinnaaffianni nutaamik atorfinitsitaappat.

Imm. 3. Suliunnaarnersiutit imm. 5 naapertorlugu naatsorsorneqarsimasut tunniunneqassapput qaammatip 60-inik ukioqalerfigisap tulliaata aallaqqaataani. Tunuarnerli sulisinnaajunnaarneq sulisinnaajunnaarnerup malitsigisaanik pisortanit ikiorserneqarnermik malitseqartoq pisimappat, suliunnaarnersiutit ikiorserneqarnerup nalaatut tunniunneqassapput.

Imm. 4. Pineqartup toqukkut qimagunneratigut aappaa qitornallu 18-inik ukioqalernissaat tikillugu pilersuisussaaffigisat suliunnaarnersiutitik pisinnaatitaapput toqukkut qimagunnerup kingorna qaammammit aallartittumiit, tak. imm. 6-imiit 8-mut. Tamatumani pineqarpoq aapparisaq pineqartup siuartitanik suliunnaarnersiuteqarluni tunuarnerata kingorna aappariinneq aalajangersarneqarsimagaluarpallunniit, kisianni taamaannerani aappariinneq aalajangersarneqarsimappat suliunnaarnersiutit siuartitat tunniunneqartalereersimappata, imaluunniit toqukkut qimagunneq qaammatinik pingasunik sioqqullugu. Aappariinnerup qaammatini pingasuni atasimaneranik piumasaqaat atuutinngilaq toqukkut qimagunneq ajunaarnermik imaluunniit aappariinnerup aalajangersarneraniit tunillannartumik nappaateqaleriataarnermik peqquteqarsimappat.

Imm. 5. Imm. 1 naapertorlugu suliunnaarnersiutit siuartitat nalingat nammineq suliunnaarnersiutit § 5, imm. 1, tak. § 23, naapertorlugu naatsorsukkat, tjenestemandip suliunnaarnissamut ukioqqortussusia aamma tunuarnerup nalaani aningaasarsiat suliunnaarnersiutisissutaasinnaasut.

Imm. 6. Aapparisaq suli inuusumut suliunnaarnersiutit tassaapput suliunnaarnersiutit toqukkut qimaguttup imm. 5 naapertorlugu pisinnaatitaaffigisai.

Imm. 7. Qitornanut tamanut qitornaasutut suliunnaarnersiutitik pissarsiassat tassaapput suliunnaarnersiutit toqukkut qimaguttup imm. 5 naapertorlugu pisinnaasaanit 10 pct. imaluunniit, aapparisaq suliunnaarnersiutitik tunniussineqarsimanngippat, 20 pct. Qitornaasutulli

suliunnaarnersiutinik pissarsiassat qaangersimassanngilaat § 14 naapertorlugu suliunnaarnersiutit, tak. § 23.

Imm. 8. imm. 7 naapertorlugu aappaasumut atasumik suliunnaarnersiutit imm. 5 naapertorlugu suliunnaarnersiutit qaangersimassanngilaat. Tamanna aamma atuuppoq qitornaasunut qimagaasunut tamarmiusumik pissarsiassanut.

§ 21. Aningaasaqarnermut ministerip Lønningrâdimit oqaaseqaammik pereernikkut aalajangersarsinnaavaa tjenestemandip tunuartup suliunnaarnersiutinik suartitanik pisinnaanermut taarsiullugu suliffimmit tunuarnermi pissarsiaqarneq, atorneqarsinnaasoq suliunnaarnersiutinut akilersuinertut aningaasaqarnermut ministerimit akuerisamut akilersuinertut, taamaattorli kingornagut aningaasaqarnermut ministeri akuersitinnagu utertinneqarsinnaanngitsumik.

Imm. 2. Tjenestemandi suliunnaarnersiutinik § 1 naapertorlugu pisinnaatitaanani atorfimmit tunuartoq, juulip aallaqqaataani 1969 sioqqullugu atorfinitsitaasimaguni toqqarsinnaavaa naalagaaffimmi tjenestemandit Kalaallit Nunaanniittut pillugit inatsimmi 1964-imeersumi § 43, imm. 3-mi aalajangersakkat naapertorlugit suliunnaarnersiutit tunniunneqarnissaat suliunnaarnersianut suartitanut imal. suliffimmit tunuarnermi pissarsiassanut taarsiullugit.

Imm. 3. Tjenestemandit atorfimmit suliunnaarnermi suliunnaarnersiutit imm. 2 tunniunneqarsimasut, aamma suliffimmit tunuarnermi imm. 1 naapertorlugu pissarsiassat tjenestemandit nutaamik atorfinitsitaqqinnermi utertinneqassapput malittarisassat aningaasaqarnermut ministerimit Lønningrâdimut saqqummiussereernikkut aalajangersarneqartussat.

§ 22. Europamiut Ataatsimooqatigiiffianni tjenestemandit atorfinititaanermi pineqartup suliunnaarnersiutinut suartitanut taarsiullugit atorfimmit tunuarnermi pissarsiassat naalagaaffimmit aningaaserivianit Europamiut Ataatsimooqatigiiffiannut § 21 naapertorlugu nuutsinneqarnissaat.

Imm. 2. Tjenestemandinut januaarip aallaqqaataani 1973-imiit marsip 31-annut 1986-imut Europamiut Ataatsimooqatigiiffianni tjenestemandit atorfinititaasimasunut, suliunnaarnersiutinillu suli inatsit una naapertorlugu tunniussivigineqanngitsunut, aningaasaqarnermut ministerip immikkut pisuni akuerisinnaavaa pineqartut suliunnaarnersiutinut suartitanut taarsiullugit naalagaaffimmit Europamiut Ataatsimooqatigiiffiannut aningaasanik imm. 1-imi malittarisassat naapertorlugit aningaasanik nuutsinissaq.

Imm. 3. Suliffimmit tunuarnermi pissarsiassat tjenestemandit atorfinititaqqinnermi utertinneqassapput malittarisassat Aningaasaqarnermut ministerip Lønningrâdimut saqqummiutereerneratigut naapertorlugit.

Kapitali 6

Nalimmassaaneq

§ 23. Nalagaaffimmi tjenestemandinut Kalaallit Nunaanniittunut akissarsianik tamanut atuuttumik allannguisoqaraangat suliunnaarnersiutinik aamma suliunnaareernermi isertitanik

naapertuuttumik nalimmassaasoqartarpoq, tak. kapitalit 1-imiit 4-mut, aamma siumoortumik aningaasarsianik aggersarneqaratarsinnaanermullu tapisianik naalagaaffimmi tjenestemandit Kalallit Nunaanniittut pillugit inatsimmi § 32 naapertorlugu. Nammineq suliunnaarnersiutit aamma aappaasutut suliunnaarnersiutit aningaasatigut aallaavii, §§ 4-mi 5-imilu aningaasarsiassanut killiffigitat aamma tak. § 14 malillugu qitornaasutut suliunnaarnersiutinik pissarsiassanut tapit aalajangersakkat aamma qitornaasut suliunnaarnersiutinik pissarsiassaataat taamatut pissuseqartumik nalimmassarneqassapput.

Imm. 2. Suliunnaarnersiutit siuartitat kapitali 5-imi taaneqartut imm. 1-imi aalajangersagaq naapertorlugu nalimmassarneqassapput aprilip aallaqqaataani, 1986-imiit atuutilersumik.

Imm. 3. Kap. 1-imiit 4-mut malillugit suliunnaarnersiutit suliunnaareernermilu isertitat aamma akissarsianik siumuukkat naalagaaffimmi tjenestemandit Kalaallit Nunaanniittut pillugit inatsimmi (§) 32 naapertorlugu aggersarneqaratarsinnaanermut tapit pillugit aalajangersakkat akit allangornerat malillugu nalimmassarneqassapput januaarip aallaqqaataani, 1986 tikillugu naalagaaffimmi tjenestemandinut Kalaallit Nunaanniittunut akissarsiat assigalugit. Akit qaffaataannik suliunnaarnersiutinut il.il. nalimmassaatit ataasiakkaat akit qaffaataannik nalimmassaatit januaarip aallaqqaataa, 1984 sioqqullugu eqqarsaatigalugit annertussuseqarsinnaapput annerpaamik suliunnaarnersiutinut tungaviusunit 3 pct.-imik akini nalimmassaataasuni 3 pointinik nikeriarnerni tamani, akinulli nalimmassaatit januaarip aallaqqaataa, 1984 aamma januaarip aallaqqaataa, 1986 akornanni, akinik nalimmassaasanerup atorunnaarfiani, atuutilersimasut annerpaamik suliunnaarnersiutit tungaviusut 6,75 pct.-iannik annertussuseqarsinnaapput.

Imm. 4. Suliunnaarnersiutinut aamma suliunnaareerluni aningaasarsianut, tak. kapitali 1-imit 4-mut, akissarsianut siumuukkanut aggersarneqaratarsinnaanermullu tapinut aamma suliunnaarnersiutinut kapitali 5 naapertorlugu oktobarip aallaqqaataa, 1985 sioqqullugu kingusinnerusukkullu siuartitanut tunniunneqassapput akinut nalimmassaatit tapit katillugit 49.712,00 kr. ukiumut, taamaattorli annerpaamik koruunit annertussusiat akinut nalimmassaatit tapit oktobarip aallaqqaataani, 1985-imi nalingattut, tak. imm. 3. Aalajangersagarli taanna qitornasutut suliunnaarnersiutinik pissarsianut tapinut atuutinngilaq. Suliunnaarnersiutinut oktobarip aallaqqaataa, 1985 sioqqullugu siuartissimasunut, tunniunneqassapput akinut nalimmassaatinut tapit atorfimmit tunuarnermi naatsorsorneqarnerattut.

Kapitali 7

Malittarisassat immikkut ittut tjenestemandinut nunaqavissuunngitsunut tunngasut

§ 24. (Atorunnaarpoq)

Kapitali 7 a

Malittarisassat immikkut ittut tjenestemandinut Namminersornerullutik Oqartussat ataanni imaluunniit Kalaallit Nunaanni kommunimi atorfeqartunut

§ 24 a. Aningaasaqarnermut ministeri aalajangiisinnaavoq naalagaaffik januaarip aallaqqaataanit, 1980 atuutilersumik naatsorsuissasoq nassuiaasillunilu tjestemandit Namminersornerullutik Oqartussat ataanni imaluunniit Kalaallit Nunnaanni kommunimi atorfeqartut suliunnaarnersiutaannik.

§ 24 b. Naalagaaffiup § 24 a-mi tjestemandit taaneqartut suliunnaarnersiutitigut nammagasaanut matussutissatut oqartussaqaarfik atorfitsisoq naalagaaffimmut akiliissaaq suliunnaarnersiutit tunniussanik ingerlaavartunik, aalajangersarneqartussanik tjestemandip sulinnaarnersiutisissutissatut akissarsiaanit.

Imm. 2. Procentitut annertussusissaq aalajangersarneqassaaq aningaasaqarnermut ministerimit Namminersornerullutik Oqartussat aamma Kalaallit Nunaanni Kommuneqarfiit Kattuffiat isumaqatiginiareerlugit. Annertussusissaq ukiut pingasukkuutaarlugit nalimmassarneqarsinnaavoq.

Imm. 3. Imm. 1 aamma 2 atuupput naalagaaffimmi tjestemandinut naalagaaffimmi tjestemandit Kalaallit Nunnaanniittut pillugit inatsimmi § 13 a, imm. 2 naapertorlugu Namminersornerullutik Oqartussani imaluunniit kommunimi sulisunut.

§ 24 c. Tjestemandi § 24 a-mi pineqartoq arlaannik ukioqqortussutsiminiunngitsoq peqqissutsimilluunniit peqquteqartumik sulisinnaajunnaarnermiunngitsumik peqquteqarluni sulisinnaajunnaartoq suliunnaarsinneqassappat, imatullu tjestemandi tamatumunnga nammineq suliunnaarnersiuteqarnermik pisinnaalersoq, oqartussaaffiup atorfeqartitsisup aningaasat aningaasaqarnermut ministerimit naatsorsorneqarsimasut annertunerusumik suliunnaarnersiuteqarnerulernerata kinguneranik naalagaaffiup aningaasartuuteqarnerulissutaasa naligisaat akilissavai.

Kapitali 8

Tjestemandit pillugit siornatigut inatsisaasimasut il.il. naapertorlugit suliunnaarnermi pisinnaatitaaffiit

§ 25. Naalagaaffimmi tjestemandit Kalaallit Nunaanniittut pillugit inatsit 1964-imeersoq naapertorlugu suliunnaarnersiutit siuoornerillu tunniunneqassapput tunngaviumik annertussuseq malillugu, tassaasoq inatsisip taassuma atuutilinnginnerani suliunnaarnersiutit imaluunniit siuoornerit aningaasarsissutaasimasut 100/151-imik amerlisarlugit. Inunnut inatsisip atuutilerneratigut suliunnaarnersiuteqalersunut aningaasat tunngaviumit suliunnaarnersiutit tamakkiisut annertussusiata agguataatut annertutigisumik, malittarisassat pisoqaanerit tapisiartallit inatsisip taassuma atuutilersimanerani tunngaviumit malillugit.

Imm. 2. Imm. 1-imi malittarisassat assigiimmik atuutissapput suliunnaarnersiutinut kalaallit tjestemandit pillugit nalunaarut aprilip 8-anni 1959-imeersoq naapertorlugu.

Imm. 3. Imm. 1-imi 2-milu tungaviumik aningaasatigut annertussuseq qaffanneqassaaq imaluunniit apparneqassaaq inatsisip atuutilerneratigut qitornaasutut suliunnaarnersiutinik pissarsisinnaanermik pisinnaalernerup taavalu atorunnaarnerata kingorna.

§ 26. § 25 naapertorlugu tunngaviusumik aningaasatigut annertussuseq nalimmassarneqassaaq inatsimmi tamatumani § 23, imm. 1 aamma 2 naapertorlugit.

§ 27. Naalagaaffimmi tjenestemandit Kalaallit Nunaanniittut pillugit inatsisip 1964-imeersup § 95 naapertorlugu Kalaallit Nunaanni tjenestemandit suliunnaarnersiutaat pillugit inatsisit il.il. pisoqaanerit assigiimmik atuupput.

§ 28. Naalagaaffimmi tjenestemandit Kalaallit Nunaanniittut pillugit inatsit 1964-imeersumi § § 45-mi, 53-imi, imm. 2, 58, imm. 2, 59-imi imm. 1 litra b-miit d-mut aalajangersakkat atuutinngillat suliunnaarnersiutinut kapitalimi matumani malitassianik imaqartuni.

§ 29. Naalagaaffimmi tjenestemandit Kalaallit Nunaanniittut pillugit inatsimmi 1964-imeersumi § 49, imm. 1 aamma 3 atuutissanngillat, tjenestemandit marluk juulip aallaqqaataa, 1969-ip kingorna imminnut katissimasut atorfeqarpata suliunnaarsinnaanermut ukioqqortussutsimut naatsorsuunneqarsinnaasumik.

§ 30. Naalagaaffimmi tjenestemandit Kalaallit Nunaanniittut pillugit inatsimmi §59, imm. 1, litra a, 1964-imeersumi aalajangersakkat aapparisp allamik katinnikkut aalajangersagaasumik aappaninneratigut suliunnaarnersiutinik pissarsisinnaanerup atorunnaartarneratigut atuutinngillat.

Imm. 2. Uillarneq uillarnertut suliunnaarnersiutinik pissarsisartoq ilanngullugu atorfeqarneq tunngavigalugu aappaqartutut suliunnaarnersiutinik, inatsit manna naapertorlugu suliunnaarnersiutinut naatsorsuunneqarsinnaasunik, pissarsisarpata, suliunnaarnersiutinik annertunerusunik pissarsisinneqartassaaq.

§ 30 a. Aningaasanut inatsimmi oqaasertaliussami imaluunniit ilassutaasumik akuersissutit pillugit inatsimmi ukiut pingasukkuutaarlugit aningaasarsiat aamma naalagaaffimmi tjenestemandinut suliunnaarnersiutit pillugit inatsimmi 1958-imeersumi aalajangersarneqartassapput malittarisassat suliunnaarnersiutinik appaanerit imaluunniit qaffaanerit pillugit malittarisassat, nunami maani Kalaallit Nunaannilu inuuniarnermi aningaasartuutit naapertorlugit, suliunnaarnersiuteqartoq Kalaallit Nunnaanni najugaqarallartillugu.

Kapitali 8 a

Tjenestemandinut malittarisassat allat naapertorlugit atorfeqartunut suliunnaarnersiutit il.il.

§ 30 b. Aningaasarsiat pillugit inatsimmi 1971-imeersumi § 32-mi pineqartut tjenestemandit tjenestemandisut aggersitatut isigineqanngitsut ukioqqortussuseq tunngavigalugu suliunnaarnermi ilagitinneqarput malittarisassanut inatsimmi tamatumani 1971-imeersumit § 2 aamma naalagaaffimmi tjenestemandit Kalallit Nunaanniittut pillugit inatsimmi § 29-miittunut.

Imm. 2. Tjenestemandit § 32-mi pineqartut aggersitattut isigineqartut ukioqqortussuseq tunngavigalugu pisariaqartumik suliunnaarneq eqqarsaatigalugu ilagitinneqarput naalagaaffimmi tjenestemandit Kalaallit Nunaanniittut pillugit inatsip 1971-imeersup § 29-anni. Ukioqqortussuseq tunngavigalugu suliunnaarnermi tjenestemandit tamakku ilagitinneqarput annertussusiliineq aamma

atorfinni inissitsiterineq pillugu inatsimmi 1958-imeersumi § 171, imm. 2-mut.

§ 30 c. Tjenestemandit aamma tamakku aapparisaasa qitornaasalu suliunnaarnersiutaat, suliunnaareernermi isertittagaat aamma siu Moorneri aningaarsi at pillugit inatsimmi 1971-imeersumi § 32-mi pineqartut aalajangersarneqassapput malittarisassat tjenestemandit suliunnaarnersiutaat pillugit inatsisip nr. 292 juunip 18-ianni, 1969-imeersumiittut naapertorlugit.

Imm. 2. Imm. 1-imi pineqartumi soraarnerussutisiani naatsorsuineq pissaaq ukioqqortusineq peqqutigalugu suliunnaarnermi § 17, inatsimmi nr. 292, juunip 18-ianit 1969-imeersooq malillugu.

§ 30 d. Tjenestemandinut § 30 b-mi pineqartunut suliunnaarsinnaanermut ukioqqortussuseq naatsorsorneqassaaq piffissami suliunnaarfimmi inatsimmi tamatumani § 37 naapertorlugu malittarisassani.

§ 30 e. Malittarisassat §§ 30 b-miit 30 d-mut atuupput aamma Kalaallit Nunaanni umiarsuaaqqat naalagaattut, sullivinni siulersuisutut, aamma nunaqarfinni niuertutut il.il., pillugit nalunaarut januaari 22-anni, 1947-meersooq naapertorlugu tjenestemandit atorfegartunut.

Kapitali 9

Aalajangersakkat assigiinngitsut

§ 31. Tjenestemandi kap. 1 naapertorlugu suliunnaarnersiutitalimmik suliunnaarsitaanermi kingorna Kalaallit Nunaanniunngitsoq najugassikkuni, pisinnaatitaavoq nunami maani tjenestemandit suliunnaarnersiutit pillugit inatsimmi malittarisassat naapertorlugit pissarsiarisimasinnaasami annertoqataannik suliunnaarnersiutinik tunniussivigineqassalluni. Taamattaq pineqassapput aapparisaq qitornallu toqukkut qimatat. Suliunnaarnersiutinik naatsorsuineqassaaq inatsit manna naapertorlugu suliunnaarnissamut ukioqqortussuseq tunngavigalugu.

Imm. 2. Imm. 1 aamma atuutissaaq suliunnaarnersiutinik suartitanik pisinnaanermut.

Imm. 3. Tjenestemandit suliunnaarnersiutaat pillugit inatsimmi kap. 9-mi aalajangersakkat atuupput suliunnaarnersiutinut imm. 1-mi 2-milu tunniunneqartunut.

§ 31 a. Inatsimmi matumani tjenestemandit aappaannut toqukkut qimataannut aalajangersakkat aamma atuupput nalunaarsukkatut aappariinermi aappariisanut.

§ 32. Inatsit manna naapertorlugu tunniussivigineqarsinnaanermik aalajangersaaneq aalajangersarneqassaaq aningaasaqarnermut ministerimit.

Imm. 2. Aalajangersaanerit inatsit manna naapertorlugu peqqissutsikkut aalajangersaanermut tunngassuteqartut, aalajangersarneqartassapput Tjenestemandit pillugit Suliani Peqqissutsimik Naliliisarnernik Aalajangiisartunit oqaaseqaammik pereernikkut.

§ 33. Aalajangersagassani inatsit maanna naapertorlugu peqqissutsimut tunngasumik aalajangiinermut atugassatut, ministerip piumasarisinnaavaa peqqissuseq pillugu paasissutissat

pisariaqartitamisut pisariaqartutut isigisani, aamma piumasarisinnaallugu pineqartup sukumiinerusumik misissortinnissai, nakkutigineqarluni napparsimmavimmut unitsitaasinnaanikkut.

§ 34. Aningaasaqarnermut ministerip aalajangersassavai inatsit manna naapertorlugu tunniussinnermut malittarisassat erseqqinnerusut.

Imm. 2. Malittarisassat ministerimit aalajangersarneqartussat naapertorlugit pisinnaatitaasut aningaaserivinnut attartortarfinnut, tjenestemandip aningaasarsiaanik tigusinissamut akuerisaasumut, inatsit manna naapertorlugu tunniussassanik inissiisinnaapput.

Imm. 3. Pisoq imm. 2-mi pineqartoq eqqaanngikkaanni pisinnatitaasut nuutsisinnaanatillu, akiligassanut qularnaveequsiisinnaanngillat imaluunniit allatigut tunniussassanik inatsit manna naapertorlugu tunniunneqartussanik atuisinnaallutik.

§ 35. Inuit danskisut innuttaassuseqanngitsut, naalagaaffimmi tjenestemandit tjenestemandinut atugassarisat assinginik Kalaallit Nunaanniittut pillugit inatsimmi § 53 c naapertorlugu tjenestemandinut atugassarisat assinginik atugassaqaqlutik atorfinitsitaasut, suliunnaarnersiuteqarneq eqqarsaatigalugu tjenestemanditut pineqassapput.

Imm. 2. Tjenestemandit Avannaamioqatigiit akornanni naalagaaffinni suliunnaarsinnaanermik aaqqissuussinerit naapertorlugit suliunnaarsinnaanermut pisinnaatitaanermik naligiissiterineq pillugu isumaqatigiisummut ilagitinneqartut, suliunnarsinnaanermi pineqassapput aalajangersakkat naalagaaffimmi tjenestemandinut atuuttut naapertorlugit, tak. tjenestemandit suliunnaartarnerat pillugu inatsimmi § 19, imm. 2.

§ 35 a. (Atorunnaarpoq).

§ 35 b. Aningaasaqarnermut miniterip Aningaasaqarnermut aqutsisoqarfik piginnaatissinnaavaa namminerminut piginnaatitsissutit suliareqqullugit.

Imm. 2. Aningaasaqarnermut ministeri malittarisassanik aalajangersaasinnaavoq aalajangikkat, imm. 1 naapertorlugu pisinnaatitaanikkut aalajangerneqarsimasut pillugit, naammagittaalliuutiginerannik periarfissamik, tassunga ilagitillugu aalajangikkap pisortaqaqarnermi oqartussaaffimmut allamut ingerlatinneqarsinnaannginneranik.

Kapitalil 10

Atuutitsilernissamik aamma ikaarsaariarnermi aalajangersakkat

§ 36. Inatsit manna atuutilerpoq juulip aallaqqaataani, 1971 malinneqalerlunilu juulip aallaqqaataani, 1969.

Imm. 2. Tjenestemandit suliunnaarnersiuteqartarnerannut il.il. inatsimmut maannamut atuuttumik atorunnaarsitsinnermut atuupput naalagaaffimmi tjenestemandit Kalaallit Nunaanniittut pillugit inatsip § 55-iani malittarisassat.

§ 37. Inatsisip atuuttunngornerani tjestemandit, malittarisassat atuuttut naapertorlugit suliunnaarnissamut ukioqqortussutsit angusaqarsimasut, suliunnaarnissamut ukioqqortussusiat suliunnaarnerup nalaani allannguilluni naatsorsorneqassaaq tunngavigalugu suliunnaarnissamut ukioqqortussuseq malittarisassat maannamut atuuttut naapertorlugit pissarsiarimasinnaasaq.

Imm. 2. Imm. 1 naapertorlugu allannguilluni naatsorsuineq imatut ingerlanneqassaaq: Suliunnaarnissamut ukioqqortussuseq malittarisassat maannamut atuuttut naapertorlugit

ukiut 10-t ataallugit		allanng. naatsorsorneqassaaq ukiunut 25-nut	
ukiut	10-niit 12-inut	-	26-nut -
-	12-iniit 14-inut	-	27-nut -
-	14-iniit 16-inut	-	28-nut -
-	16-iniit 18-inut	-	29-nut -
-	18-iniit 20-nut	-	30-nut -
-	20-niit 21-nut	-	31-nut -
-	21-niit 22-nut	-	32-nut -
-	22-niit 24-nut	-	33-nut -
-	24-niit 26-nut	-	34-nut -
-	26-niit 27-nut	-	35-nut -
-	27-niit 29-nut	-	36-nut -
-	29-niit qummut	-	37-nut -

Imm. 3. Aningaasaqarnermut ministerip, pissutsit tamanna pisariaqalersissimappassuk, Lønningrådimit oqaaseqaammik pereernikkut aalajangiisinnaavoq tjestemanditut atorfeqalinnginnermi sulineq ilanngullugu isiginiarneqassasoq kingorna naalagaaffimmi tjestemanditut Kalaallit Nunaanni sulinermi, ukiut 30-ssaat angoreersimagaanni.

Imm. 4. Imm. 1-imiit 3-mut naapertorlugilli suliunnaarsinnaanermi ukioqqortussuseq tunngavittut atussanngilaq suliunnaarnerisutunik naatsorsuinermit, tjestemandi inatsimmi malittarisassat sinneri naapertorlugit suliunnaarsinnaanermut ukioqqortussuseq qaffasinnerusoq angusimappagu.

§ 37 a. Aningaasaqarnermut ministeri pisuni ataasiakkaani Lønningrådimit oqaaseqaammik pereernikkut aalajangiisinnaavoq suliunnaarnissamut ukioqqortussusimik qaffasinnerusumik immaqalu suliunnaarsinnaanermut pisinnaatitaaffimmik tunniussissalluni, tjestemandinut malittarisassat juulip aallaqqaataa 1969 sioqqullugu atuuttut naapertorlugit, § 37-mi malitassianut

ilagitinneqaratik tjenestemanditut atorfinni atorfinitsititaasimasunut, taamaalillutik suliaqarfimmi tamatumani suliunnaarsinnaanermut ukioqqortussutsimik qaffasinnerusumik pissarsisinnaasimasunut, taamatut juulip aallaqqaataa 1969 sioqqullugu siunnersuuteqartoqarsimappat.

§ 38. Tjenestemandinut inatsisip atuutilerana sioqqullugu suliunnaarnersiutitaqanngitsunik atorfinitsititaasimasunut atorfinitsitatut piffissaliineq atuuppoq suliunnaarnissamut ukioqqortussutsip § 3 malittarisassat naapertorlugit, piumasaqaatigalugu piffissamut ilanngullugu natsorsorneqartumut malittarisassat maannamut atuuttut naapertorlugit suliunnaarnissamut akileraakkanik nalinginnaasunik akiliinissaq.

Imm. 2. Aningaasaqarnermut ministerip Tjenestemandinut tunngasunik Peqqissutsimik Naliliisarnermut Aalajangiisartunit oqaaseqaammik pereernikkut aalajangersaasinnaavoq, tjenestemandit inatsisip atuutilerana sioqqullugu peqqissusermik tunngaveqartumik suliunnaarnersiutisisinnaanertaqanngitsumik atorfinitsinneqarsimasut, imaluunniit suliunnaarsinnaanermut akilersuutit qaffatsitat naalagaaffimmi tjenestemandit Kalaallit Nunaanniittut pillugit inatsimmi 1964-imeersumi § 43, imm. 2 naapertorlugu sivikillisitsivigineqarsimagunik § 6, imm. 1 naapertorlugu suliunnaarnersiutisisinnaanngitsunut, suliunnaarneq pisimappat piffissami killilikkami qaninnerpaami ajoquteqarnermik, suliunnaarnersiutitaqanngitsumik atorfinitsitaanermut pissuteqartumik imaluunniit suliunnaarnersiutinik qaffatsitanik pissarsisinnaanermik sivikillisitsinermik.

§ 39. (Atorunnaarpoq)

§ 40. Tjenestemandi atorfinimmit tunuarsimasoq juulip aallaqqaataa 1969-ip kingorna, kisianni inatsisip matuma atuutilerana sioqqullugu, atuutsitsilernermit qaammatinik 6-inik periarfissaqarluni toqqarsinnaavaa inatsit manna naapertorlugu suliunnaarnersiutitigut pineqarnermik malittarisassat naapertorlugit pineqarnissi. Tamanna tjenestemandit juulip aallaqqaataa 1969-imi inatsisillu atuutilernerata akornanni toqkkut qimagussimasut uillarnerinut qitornaannullu atuupportaaq.

§ 41. Aningaasaqanermut ministerip suliunnaarnersiutinut tapinik tunniussisinnaavoq makkununga:

- a) Tjenestemandinut il.il. juunip 30-anni, 1969-imi atorfinittunut, piffissami tamatumani naalagaaffimmi tjenestemandit Kalaallit Nunaanniittut pillugit inatsimmi 1964-imeersumi malittarisassat naapertorlugit suliunnaarnissamut ukioqqortussutsimik naammassinnissimasunut, tjenestemandinut nunaqavissunut 60-inik, nunaqavissuunngitsunullu 55-inik ukioqalereernermit ukioqqortussutsini peqqutigalugu atorfinitsitaaneratalu naanissaa piffissami 1969-imi juulip aallaqqaataa 1973-imilu juunip 30-ata akornanni pisimappat, tak. naalagaaffimmi tjenestemandit Kalaallit Nunaanniittut pillugit inatsimmi 1971-imeersumi § 10.
- b) Tjenestemandit il.il. nunaqavissuunngitsut juunip 30-anni, 1969 atorfinissimasut, tak. §10 naalagaaffimmi tjenestemandit Kalaallit Nunaanniittut pillugit inatsit 1971-imeersoq, piffissami tamatumani naalagaaffimmi tjenestemandit suliunnaarnersiutisiaat pillugit inatsimmi 1958-

imeersumi malittarisassat naapertorlugit suliunnaarsinnaanermut ukioqqortussutsimik naammassinnissimasut, atorfinitsitaanerallu piffissap 1969-imi juulip aallaqqaataata aamma 1973-imi juunip 30-ata iluani 60-inik ukioqalereernikkut ukioqqortussuseq peqqutigalugu sulinerat naasussaq.

Imm. 2. Suliunnaarnersiutinut tapit aamma tunniunneqarsinnaapput tjenestemandinut il.il. 1969-imi juunip 30-anni taamani malittarisassat naapertorlugit suliunnaarnissamut ukioqqortussutsimik naammassinnissimasunut, 1969-imi juulip aallaqqaataata 1973-imilu juunip 30-ata akornanni ikaarsaariarnermi suliunnarnerminni isumaqatigiissutit malittarisat naapertorlugit suliunnaarnermilunniit suliunnaarnissamut ukioqqortussutsimik naammassinnittunut, peqqissutsimik allamillunniit naatsorsuutigineqarsinnaanngitsumik peqquteqartumik sulisinnaajunnarsimasunut, aamma tjenestemandit tamakku uillarnerinut il.il. 1969-imi juulip aallaqqaataata 1973-imilu juunip 30-ata akornanni toqukkut qimaguttunut.

Imm. 3. Imm. 1 aamma 2 naapertorlugit suliunnaarnersiutinut tapit tunniunneqassapput aningaasatut illuatungaaticut suliunnaarnersiutit naalagaaffimmi tjenestemandit Kalaallit Nunaanniittut pillugit inatsimmi 1964-imeersumi naleqqiussivigalugit §§ 25 aamma 26 inatsimmi matumani malittarisassat akissarsiat suliunnaarnersiutillu pillugit inatsimmi 1958-imeersumeersut malittarisassat naleqqiussivigalugit suliunnaarnersiutit siornaticut tjenestemandinut inatsisini suliunnaarnersiutit 1969-imi juunip aallaqqaataani aningaasarsiatigut isertitat suliunnaarnersiutisissutaasartut tungavigalugit aamma suliunnaarnissamut ukioqqortussuseq malittarisassat pisoqaanerused naapertorlugit suliunnaarsinnaanngornermi naammassineqarsimasut, inatsimmi nr. 81 marsip 12-ianni 1970-imeersup §§-ii 2 aamma 3 naapertorlugit naatsorsorneqarsimasut, aamma illuatungaani suliunnaarnersiutit inatsisip matuma aalajangersagaasa sinnerinut naleqqiullugit naatsorsorneqartut. Qitornaasutut suliunnaarnersiutinik pissarsiassat naalagaaffimmi tjenestemandit Kalaallit Nunaanniittut pillugit inatsit 1964-imeersuq naapertorlugu imaluunniit aningaasarsiat aamma suliunnaarnersiutit pillugit inatsit 1958-imeersuq naapertorlugu aamma inatsit manna naapertorlugu qitornaasutut suliunnaarnersiutinik pissarsiassat aningaasat assigiinngissutaannik nalunaarsuinermi naatsorsuutigineqassanngillat.

Imm. 4. Imm. 1-imiit 3-mut suliunnaarnersiutit tapit tunniunneqartassapput tapit inatsit manna naapertorlugu tungaviusumik suliunnaarnersiutit aalajangersakkamit nalimmassarneqassallutillu tungaviusumik suliunnaarnersiutitulli. Nammineq suliunnaarnersiutinut suliunnaarnersiutit tapit ilagittinneqassapput aningaasanut § 11, imm. 1 naapertorlugu aapparisaatut suliunnaarnersiutisinnissat naatsorsornerini.

Naalagaaffimmi tjenestemandit il.il. Kalaallit Nunaanniittut pillugit inatsimmut allannguutissatut inatsit nr. 276 maajip 23-anni 1973-imeersuq atuutilernissamut aalajangersakkamik matuminnga imaqqarpoq:¹⁾

§ 2

Inatsit atuutilerpoq juulip aallaqqaataani 1969-imiit.²⁾

Naalagaaffimmi tjenestemandit il.il. Kalaallit Nunaanniittut pillugit inatsit nr. 234 juunip 12-ianni 1975-imeersumit inatsit soraarnerussutisiat pillugit allannguutaanni atuutilernissamut aalajangersakkamik matuminnga imaqarpoq: ³⁾

§ 2

Inatsisip atuuffigilerpaa juulip aallaqqaataat 1969. ⁴⁾

Naalagaaffimmi tjenestemandit il.il. suliunnaarsinnaanerit pillugit inatsisip allannguutissatut inatsit nr. 638, 1975-imi decembarip 19-ianneersoq (Kommunini tjenestemandit il.il. Kalaallit Nunaanniittut suliunnaarnersiuteqarsinnaanerit pillugu aalajangersakkat) atuutilernissamut aalajangersakkamik matuminnga imaqarpoq: ⁵⁾

§ 2

Imm. 1. Inatsit atuutilerpoq januaarip aallaqqaataani 1976-imi.

Imm. 2. § 1, nr. 7-imi aalajangersakkap atuuffigilerpaa juulip aallaqqaataat 1969.

Naalagaaffimmi kommuninilu tjenestemandit il.il. Kalaallit Nunaanniittut pillugit inatsimmut allannguutitut inatsit nr. 211 maajip 18-ianni 1982-imeersoq atuutilernissamut aalajangersakkamik matuminnga imaqarpoq: ⁶⁾

§ 2

Imm. 1. Inatsit atuutilerpoq juulip aallaqqaataani 1982.

Imm. 2. § 3 imm. 1 naapertorlugu suliunnaarnissamut ukioqqortussutsip nalunaarsorneranut ilagitinneqassaaq tjenestemandip Kalaallit Nunaanni kommunimi atorfeqarnera piffissami 1976-imi januaarip aallaqqaataaniit 1979-imi decembarip 31-annut.

Imm. 3. § 1, nr. 2, 4-miit 7-imut, 9-miit-10-mut aamma 19-imi aalajangersakkat atuuffigilerpaat januaarip aallaqqaataaniit 1973.

§ 3

Inatsip atuutilernerani atuukkunnaarput inatsit nr. 234 1979-imeersumi § 1, imm. 2 aalajangersakkat ataatsimoorussat isumaqatigiissutillu il.il. sivitsorsinnaanerinut tunngasut.

Inatsit nr. 847 decembarip 23-anni 1987-imeersoq naalagaaffimmi tjenestemandit Kalaallit Nunaanniittut suliunnaarnersiutisisarnerat pillugu inatsimmut allannguut matuminnga atuutilernissamut aalajangersakkamik imaqarpoq: ⁷⁾

§ 2

Inatsit atuutilerpoq Lovtidendemi nalunaarutip⁸⁾ aqaguanilu atuuffigilerlugu apriiлип aallaqqaataani, 1986.

Naalagaaffimmi tjenestemandit il.il. Kalaallit Nunaanniittut suliunnaarnersiutisisarnerat pillugu inatsimmut allannguutitut inatsit nr. 333 juunip 6-at 1991-imeersoq atuutilernissamut aalajangersakkamik matuminnga imaqarpoq.⁹⁾

§ 2

Imm. 1. Inatsit atuutilerpoq Lovtindemi nalunaarutip¹⁰⁾ aqaguani atuuffigilerlugulu apriiлип aallaqqaataa 1991, pissanngikkaanni § 1, nr. 3, taassuma atuuffigileraa juulip aallaqqaataa 1990, aamma § 1, nr. 12 taassuma atuuffigileraa oktobarip aallaqqaataa 1989.

Imm. 2. Tjenestemandit inatsisip matuma atuutilinnginnerani atorfinitsitaasut eqqarsaatigalugit pigiinnarneqassapput pisinnaatitaaffiit tamaasa, taakku pissarsiarisimasaat inatsisikkut imaluunniit inatsit naapertorlugu, isumaqatigiissutikkut il.il. atuuttuusut marsip 31-anni 1991-imi, soorluttaa q pisussaaffiit tamarmik pigiinnarneqartussaasut.

Naalagaaffimmi tjenestemandit il.il. Kalaallit Nunaanniittut pillugit inatsisip allannguutaa inatsit nr. 1002 decembarip 19-ianni 1992-imeersoq matuminnga atuutilernissamut aalajangersakkamik imaqarpoq: ¹¹⁾

§ 2

Imm. 1. Inatsit atuutilerpoq Lovtindemi nalunaarutip¹²⁾ aqaguani atuuffigilerlugulu apriiлип aallaqqaataani 1991, pissanngikkaanni § 1, nr. 2 aamma 5, taakku atuuffigileraat januaarip aallaqqaataa 1993.

Imm. 2. § 1 nr. 3 atuutilerpoq qitornanut apriiлип aallaqqaataani 1991-imi suli 18-inik ukioqalersimangitsunut.

Imm. 3. Qitornaasut suliunnaarnersiutininik pissarsiaat aamma qitornaasut suliunnaarnersiutininik pissarsiaannut tapit inatsisip atuutilernerani aningaasalerneqarsimasut qitornaasup 18-inik ukioqalernissaa qaangerlugu, aningaasaqarnermut ministerimit sivitsorneqarsinnaapput 21-nik ukioqalernerneq qaangerlugu, qitornaasup iliniagaqarnera piffissami tamatumani suli naammassineqarsimangippat pissutsillu taama iliorneq pisariaqartuutippassuk. Sivitsuineq suli ukiumik 1-iinnarmik sivitsorneqarsinnaavoq aamma decembarip 31-at, 1993 qaangernagu,

imaassimangippat ulloq taanna qaangerlugu sivitsuinissaq akuerineqareersimasoq.

Inatsit nr. 346 juunip aappaanni 1999-imeersumit tjenestemandit suliunnaarnersiaqarnerat pillugu inatsimmut, tjenestemandit pillugit inatsimmut inatsisinullu arlalinnut allanut allannguut (inuit utoqqalinersiaqartarnerannut ukioqqortussutsimut naapertuussaaneq, tjenestemandit pillugit eqqartuussisarfinnut malittarisassat allangornerinut, ukiuni killilinni atorfinitsitaasartut suliunnaarsitaasanerannut, inunnik danskisut innutaasuunngitsunik atorfinitsitsisarnermut il.il.) atuutilernissamut aalajangersakkamik matuminnga imaqarpoq: ¹³⁾

§ 8

Imm. 1. Inatsit atuutilerpoq Lovtidendemi nalunaarutip¹⁴⁾ aqaguani.

Imm. 2- 3. (Atuutissanngillat)

Imm. 4. Tjenestemandinut ukiuni killilinni atorfinitsitaanerat inatsisip atuutilernerani aallartittunut, qinnutigineqanngitsunik suliunnaarnermut malittarisassat maannamut atuuttut atuupput.

Imm. 5 - 6 (Atuutissanngillat)

Inatsit nr. 1426 decembarip 22-anni, 2004-meersoq, naalagaaffimmi tjenestemandit Kalaallit Nunaanniittut pillugit inatsimmut aamma naalagaaffimmi tjenestemandit Kalaallit Nunaanniittut il.il. suliunnaarnersiutisarnarat pillugu allannguut (Appasinnerusumut inissinnermi akissarsianut, sulinngikkallartitaaneq, kunngimit toqqagaasarneq, ukiunut killilinnut atorfinitsitaasarneq aamma inunnik danskisut innuttaassuseqanngitsunik atorfinitsitsisarneq) atuutilernissamut aalajangersakkamik matuminnga imaqarpoq: ¹⁵⁾

§ 3

Imm. 1. Inatsit atuutilerpoq januaarip aallaqqaataani, 2005-imiit.

Imm. 2. (Atuutissanngilaq)

Imm. 3. § 2, nr. 3 atuuppoq inunnut atorfinni juunip aallaqqaataani 2001-imi Danmarkip, Finlandip, Islandip, Norgip, aamma Sverigip naalagaaffimmi suliunnaarnersiutisarnarnik aaqqissuussinerni suliunnarnersiutit naapertorlugit suliunnaarnerni pisinnaatitaaffinnik naapertuussaaneermik isumaqatigiissutaannut atasuni atorfinitsitaasimasunut, aamma isumaqatigiissutip marsip aallaqqaataani 2002-mi atuutilernerani suli suliunnaarnersiutinik pissarsisimangitsunut. Pineqartup marsip aallaqqaataa 2007 nallertinnagu suliunnaarnersiutimik naatsorsortinnissaat toqqarsinnaavaat tamaani atuuttumut decembarip 18-ianni 1973-imi Danmarkip, Finlandip, Norgip aamma Sverigip suliunnaartarneq pillugu isumaqatigiissutaat

atsiugaq juunip 28-anni 1990-imeersoq kingullermik allannguuteqartoq naapertorlugu.

Imm. 4. § 2, nr. 7 aamma 9 atuutilerput tjenestemandinut aappaasutut imaluunniit tjenestemandinut suliunnaarsimallutik januaarip aallaqqaataani 2005-imi kingusinnerusukkulluunniit toqusimasunut aappaasutut.

Imm. 5. Inunnut juunip aallaqqaataa 1971 sioqqullugu piffissamut killilikkamut atorfimmi taartaagallarsimasunut, naatsorsukkanut ilagittinneqassaaq piffissamut killilikkamut atorfimmi taartaagallarsimaneq.

Inatsit nr. 527 juunip 24-anni 2005 Aningaasaqarnermut ministereqarfiup susassaqrifiini assigiinnigitsuni (Kommunik aqqissiveqqinnerup malitsigisaanik allannguissutit) inatsisunik allannguisoq atuutilernissamut alajangersakkamik matuminnga ilaqarpoq:¹⁶⁾

§ 6

Inatsit atuutilerpoq januaarip aallaqqaataani 2007-imi.

Inatsit nr. 249 marsip 31-anni 2009-meersoq naalagaaffimmi tjenestemandit Kalaallit Nunaanniittut pillugit inatsimmik aamma naalagaaffimmi tjenestemandinut il.il. Kalaallit Nunaanniittunut suliunnaarnersiuteqartarnermik (tamanut atuuttumik peqqussutit suliunnaartarnermut ukioqqortussutsimik atorunnaarsitsineq) inatsimmik allannguisoq matuminnga atuutilernissamut alajangersakkamik imaqrpoq:¹⁷⁾

§ 3

Imm. 1. Inatsit atuutilerpoq Lovtidendemi nalunaarutip aqaguani.¹⁸⁾

Imm. 2. (Atorunnaarpoq)

Inatsit nr. 1371 decembarip 28-anni 2011-meersoq tjenestemandit suliunnaartarnerat pillugu inatsimmi aamma naalagaaffimmi tjenestemandit il.il. Kalaallit Nunaanniittut suliunnaartarnerat pillugit inatsimmik allannguisoq (suliunnaarnissamut ukioqqortussutsimik pissarsisarnermik aamma suliunnaarnissamut siuartitamut suliunnarnissamut ukioqqortussutsimik piunasaqaammik atorunnaarsitsineq, tjenestemandinut alajangersimasunut suliunnaarnersiutinik alajangersaaneq aamma tjenestemandinut alajangersimasunut sioqqutsisumik suliunnaarnermi suliunnarnersiutinik ilanngaassisarnerit) atuutilernisaanut alajangersakkamik matuminnga imaqrpoq:¹⁹⁾

§ 3

Imm. 1. Inatsit atuutilerpoq januaarip aallaqqaataani 2012-imi.

Imm. 2. § 1, nr. 1, 2 aamma 8 aamma § 2 tjestemandinut januaarip aallaqqaataani 2012-imi kingusinnerusukkulluunniit atorfinittunut atuuffeqarpoq.

Aningaasaqarnermut ministereqarfik novembarip 14-ianni, 2015

CLAUS HJORT FREDERIKSEN

/Nanna Baade

-
- 1) Inatsimmut allannguummi pineqarput § 1, imm. 1 aamma 3, §§ 3 a, 30 a, 35 a, 37 a aamma 41.
 - 2) Inatsit nalunaarutigineqarpoq Lovtidendemi quppersakkami juunip aallaqqaataani 1973-imi saqqummersumi. Inatsit taamaalilluni atuutilerpoq juunip 8-ani 1973, tak. aalajangersagaq taamanikkornisaq Lovtidendemi inatsimmi § 3, oqaaseqatigiit aappaanni.
 - 3) Inatsimmut allannguummi pineqarpoq kapitali 8 a.
 - 4) Inatsit nalunaarutigineqarpoq Lovtidendemi quppersakkami juunip 21-anni 1975-imi saqqummersumi. Inatsit taamaalilluni atuutilerpoq juulip 28-anni, 1975, tak. aalajangersagaq taamanikkornisaq Lovtidendemi inatsimmi § 3, oqaaseqatigiit aappaanni.
 - 5) Inatsimmik allannguummi pineqarput inatsip taaguutaa, § 3, imm. 1 aamma 2, § 3 a, imm. 1, § 23, imm. 1 aamma 2, § 24, imm. 3-mit 5-imut, aamma kapitali 7 a.
 - 6) Inatsimmik allannguummi pineqarput inatsisip taaguutaa, § 1, imm. 1 aamma 3, § 3, imm. 1, 4 aamma 7, § 3 a, imm. 4, § 3 b, § 7, imm. 1, § 20, imm. 1, 4 aamma 5, § 23, imm. 1, kapitali 7 a-p qulequtaa, §§ 24 a-24 d aamma § 39, imm. 1.
 - 7) Inatsimmik allannguummi pineqarput § 1, imm. 1, § 3, imm. 7, oqaaseqatigiit aappaat, § 3 a, imm. 3 aamma 4, § 3 b, imm. 2 aamma 3, § 4, imm. 2 aamma 3, § 6, imm. 3, §11, imm. 2, oqaaseqatigiit aappaat, §§ 20-mit 23-mut aamma 39.
 - 8) Inatsit nalunaarutigineqarpoq Lovtidendemi decembarip 31-anni 1987.
 - 9) Inatsimmik allannguummi pineqarput § 3, imm.1, 2, 4 aamma 7, oqaaseqatigiit aappaat, § 4, imm. 4, § 10, imm. 2, § 21, imm. 2, §§ 22, 24, aamma 31 a.
 - 10) Inatsit nalunaarutigineqarpoq Lovtidendemi juunip 7-anni 1991.
 - 11) Inatsimmik allannguummi pineqarput § 4, imm. 1, § 13, imm. 1, § 15 aamma § 23, imm. 4, oqaaseqatigiit siulliat aappaallu.
 - 12) Inatsit nalunaarutigineqarpoq Lovtidendemi decembarip 21-anni 1992.
 - 13) Inatsimmik allannguummi pineqarpoq § 35 b.
 - 14) Inatsit nalunaarutigineqarpoq Lovtidendemi juunip 3-anni 1999.
 - 15) Inatsimmik allannguummi pineqarput § 2, § 3, imm. 2 aamma 4, § 3 a, § 4, imm. 1, § 6, imm. 2 aamma 3, § 10, imm. 1-imiit 3-mut, kapitali 3 a, § 20, imm. 4, oqaaseqatigiit aappaat pingajuallu, § 32, imm. 2, §§ 35 aamma 35 a.
 - 16) Inatsimmik allannguummi pineqarpoq § 3 a, imm. 1.
 - 17) Inatsimmik allannguummi pineqarpoq § 6, imm. 1.
 - 18) Inatsit nalunaarutigineqarpoq Lovtidendemi aprilip aallaqqaataani 2009.
 - 19) Inatsimmi allannguinnermi pineqarput § 3, imm. 1-imiit 3-mut, § 3 a, imm. 1, § 3 b, imm. 1 aamma § 20, imm. 1.